

# KODKODATI YA BOLBOLTIYA

Rhymes and Riddles

by

Mrs. Esperanza A. Abellon

Miss Luisa Degawan

Mrs. Christina L. Dontogan

Mrs. Erlinda Likigan

Mrs. Jane C. Ngina

Mrs. Muriel A. Omaweng

Mrs. Teresita A. Palaypayon

Illustrations by:

Jose Matucenio



**Summer Institute of Linguistics—Philippines, Inc.**  
**Translators** **Publishers**

**1972**

**Published**  
in cooperation with  
**Bureau of Public Schools**  
and  
**Institute of National Language**  
of the  
**Department of Education**  
**Manila, Philippines**

47.11-472-5C

52.30P-726014MCPZA

**Printed in the Philippines**

## F O R E W O R D

Some of the glory of the Philippines lies in the beautiful variety of people and languages within its coasts. It is to the great credit of the national leadership over the years that no attempt has been made to destroy this national heritage. The goal has been instead to preserve its integrity and dignity while building on this strong foundation a lasting super-structure of national language and culture.

The present book is one of many designed for this purpose. It recognizes the pedagogical importance of dividing literacy and second-language learning into two steps -- literacy being the first. When a student has learned to read the language he understands best, the resulting satisfaction in his accomplishment gives the drive and confidence he needs to learn the national language. His ability to read, furthermore, is the indispensable tool for the study this program will require.

The Department of Education of the Philippines is proud to present this latest volume in a nationwide series designed to teach the national language through literacy in the vernaculars. It will strengthen both the parts of the nation and the whole.

Juan L. Manuel  
Secretary

## Preface

Here is a book of a collection of many rhymes & riddles. Some of these were created a long time ago but they were never forgotten because they have been retold by grandparents to their children and grandchildren. Some of them came from other places but they developed the Kankanay flavor in the course of their being retold for many years.

This is one of the books prepared by the teachers during the Curriculum Writing Workshop, in February, 1971 in Sagada, Mountain Province. The Summer Institute of Linguistics helped in their preparation and printing into books.

It is hoped that the adults will enjoy reading these rhymes & riddles, and will be reminded of this part of their literature which has been inherited from long ago and will never be forgotten or lost because it is now written in books.

## Preface

Naay di liblo ay nadagopan di adoado ay kodkodati ya bolboltiya. Nan tapin nan naay da, naboliwda id sang-adom ngem egayda nakalkalingkingan tay sinod-sodok nan al-apo isnan an-akda ya ap-oda. Nan tapina, nagapoda isnan daddad-at di teken ay ili ngem dadat dinmawes isnan Kankanay isnan katew-etew-en ay kasodsodokanda.

Siyana nan esay liblo ay insolat nan mimistala ya mimistolo issan Curriculum Writing Workshop isdin Pebrero, 1971 id Sagada, Montanyosa. Nan Summer Institute of Linguistics, binmadangda isnan nasapowan datona ya nan naisolatanda isnan liblo.

Gawis mo nan amam-a ya inin-a dadat mengasing ay esa mangbasbasa isnan naay da ay kodkodati ya bolboltiya. Datona abes nan esa mangipanemnem ken daida ay nan naay da ay natawid id sang-adom, et awnit adida makalkalingkingan ya maam-amas tay naay naisolat da dadlo isnan liblo.



Somilangka ay Bowan

Somilangka ay bowan  
Ta maila nan daan  
Ta eyak kadya ilan  
Gayyemko id Kapangan.

Lalli, Lalli

Ay lalli, lalli  
Adika men-ag-aga  
Ta inayan si padi  
Padid Santa Clara  
Ngan di is-isdana  
Isdana nan itlog  
Ngan di akin itlog  
Itlog Kapitan Botyog.

Bang-o Bang-otan

Bang-o Bang-otan  
Oklopnay kinaotan  
Intagtagnad Otokan  
Kananan ilakona  
Ilana dat kablarna.

## Os-osdong

Os-osdong id kabiligan  
Kaytek ay il-ilan  
Gawis is en mail-ila  
Menbango pay nan songsongna.

Oongong-a bidongenda  
Bayayay kaneg kampana  
Ippey inadas nan botilya  
Et alkos di lamisaanda.



Asang, Dawang

Asang, dawang  
Talasing, dasing  
Kodong, manong  
Sinoman, pablad  
Mokat, palting.

Doppay

Ay doppay, doppay, doppay  
Mamigbigat tako pay  
Ta entako makigatod  
Tobon di talobatob  
Ta entako idawdawawa  
Tawan di Kakastila.

Tektektek Tabbiyay-o

Tektektek Tabbiyay-o  
Ay waday inlaosyo  
Ken aman Layyolayyo?

Linmaos id kobaban  
Ay ninpipinagpagan  
Sokodnay ginalayan  
Inpadsoknad Daw-angan  
Dat adi makakaan  
Sokod omalis Ginawdan  
Sanapay menkaan.

Nin-ani

Oney et nan nin-ani  
Mangandas kinodasi  
Dakami pay ay adi  
Mangan kami is obi.



## Nan Dagem

Sino nan nakaila is dagem?  
Sik-a wenno sak-en?  
Ngem mo men-gidgidi nan tobo  
Lomal-aos nan gayyemmo.

Sino nan nakaila is dagem?  
Sik-a wenno sak-en?  
Ngem no menyoko nan batang  
Naayak ay somawang.

A! dagem ay mensipsip-oy  
Is kasin-agewna  
A! dagem ay menbogbogaw  
Nan kantana.

## Eggay, Eggay

Ay eggay, eggay engnga  
lgiginekmo pod ay  
Ta en omalas inam  
Tobon di bayabayya  
Panpandongta is agew  
Lamang tay tinmiyagew.

## Bowan, Bowan

Bowan, bowan angiwan  
Omekdagkas kamowan  
Ta enak ibaybayowan  
Is menbaonan amayo  
Ay mentoping id Nagawa  
Sat baken kayos kakwa  
Kowan inan Bandowa  
Kega pet-ang di daya.

## Kasi Tako Didisig


Kasi tako didisig  
Ta entako tangtanggawan  
Si inan Bolakawan  
Naekdag id Kanipawan  
Apangnay bistakawan.

## Sadsadagan

Sadagan, Sadagan  
Mensadsadag isnan daan  
Lomaos san babassang  
Kanana en, "Sinoka?"  
"Sak-en si Pagpagotpot  
Napalpalalos sadot."

## Danom Id Takiking

Danom id Takiking  
Tinodeydas gatingting  
Nangemsandas obibbing  
Danom id Banbantok  
Tinodeydas tanoktok  
Nangemsanda ken Lopsok.



## Tilin, Tilin


Tilin, tilin, ammoklin  
Ikotkotimak sik-a  
Nabsogka, binomtogka.

## Nan Bito

Os-osdongak nan bito  
Ngan ngen nan ninyakoto  
Ninyakotoy baballo  
Bedbednay innilokan  
Sinootan di iyokan.

## Esa, Dowa

Esa, dowa, badoya  
Tolo, epat, patopat  
Lima, enem, ginemgem  
Pito, wao, ginao  
Siyam, po, mangan tako.



## Kosa

Kosa, kosa

Ay maseseyep isnan dapwan

Ay iitawem ngen nan makan

Ay mangipataba ken sik-a?

## Talaw

Talaw, talaw id daya  
Ekdagem nan ganggansa  
Tenak iyagodongan  
Is isibon Akdongan  
Adiyak si Bang-otan  
Tay napagapagatan  
Agtak si Lomiyeng  
Mensala et mentiyeng.

### Iyagawas Panawa

Iyagawas Panawa  
Maid awitnas banga  
Daet men-agaaga.

Iyagawas Oyaoy  
Maid awitnas baboy  
Daet men-oy-oyaoy.

## Bowan

Bowan, bowan  
Omekdagkas kamowan  
Ta eyak iballogowan  
Ballogod dogodogo.

## Labaan

Labaan lambiyokan  
Adim salikbawan  
Daan id Bangaan  
Is enmi makilambakan.  
Sino pay nan mangangsa?  
Si Kadang id Palawa.  
Sino es nan managni?  
Si Odali id Masini.  
Sino es nan manala?  
Si Awanay ay in-ina.

## Eggay Engnga

Ay eggay, eggay engnga  
Igiginekmo pod ay  
Ta en ilaen Ama  
San gosi takod Bikā  
Toktokgongan di kosa.



## Bisbisting

Bisbisting id Ambasing  
Omatelkas esas siping  
Ta waday eyak italtalking  
Issan ilid Tagoding.

## Ballita

Ballitan di Ispanyol  
Kogkogkokek nan tambol  
Ta bomalas Binyadol  
Ay mangipatos basol  
Basol di kakapitan  
Tay nabalod si amam  
Inbangkingnay ballita  
Ballitan di Kastila.

## Geygeygey

Ay eggay, eggay engnga  
lgiginekmo pod ay  
Ta en omalas inam  
Is dongaw id Kapay-aw  
Is isdatay mentongaw.

## Palikwawa Id Agawa

Palikwawa id Agawa  
Men-ayag is asawa  
Bisbisting id Ambasing  
Men-ayag is kaising  
Agodong id Mangitong  
Men-ayag is sagogong.




## Da Tokak Ken Otot

Wada kano si Tokak  
Ay kabaey isnan labnak  
Edkanay gaggagakgak  
Kinwanin Otot, "Dakan kagaganakgak?  
Mensapeta et mangabakak."  
Dat inowenan Tokak  
Ninsapeda pay nin-ilabtok Tokak  
Si Otot isnan labnak.

## Indayon

Indayon tali tali  
Naseyep nan engngami  
Adi kayo menkalkali  
Tay men-aga mo magidi.



## Os-osdongak Nan Baeymi

Os-osdongak nan baeymi  
Nanapnos nan mangili  
Kowa, kowa asomi ay Paspassaki  
Aka ta ketbam dadi  
Adim pay nan agimi  
Ta ominomdas nan tapeymi.

## Labaan, Labaan


Labalabalabaan  
Adim salikbaban  
Nan daan id Gosadan  
Tay ek makibanbana  
Babassang id Agawa  
Tay od mo mensalada  
Menpiling nan batawa  
Laydek ay mangasawa.

## Tiptipa

Tiptipa dolidoli  
Palpalidem nan bab-am  
Ta ik-iktebmos ib-am  
Adim nan inanoy-am  
Ta waday mangob-obi  
Is kanen di babai  
No baken ya lalaki.

## Liboo

Libolibood Too  
Makiyakiyas kayo  
Sanaman di lloko  
Mangalas bayakotyo  
Et maid ibongonyo  
Is toktok di kabayo  
Wenno toktok di aso.



### Si Biding

Nan ili id Toking  
Wada si Biding  
Talabakonay mentoping  
Maid polos menpatoping  
Dat inmey id Ambasing  
Wada et si Koliliting  
Nin-anap is mentoping  
Insetna ay mentoping  
Linagbona is binting.

## Bokiki ay Obi

Wada kano san obi  
San ngadana et Bokiki  
San lowana et akgi  
Sanggapna ay kag-i  
Dat kano en mangobi  
San om-a ay ad-adawi  
Wada pay das-anas obi  
Daet kanega siki  
Dat dadama san gasingna  
Gapo issan kaobina.

## Lomayog

Yogyoggayog ambatyog  
Adiyak lomaylayog  
Awni ta omali  
Nan laylaydek ay lalaki.

## Mendaop

Mendaop kayo koma  
Dakayo pay owasan nan inga  
Sagaysayenyo nan bookyo  
Sakayo pay ome'y is oskilaanyo.



## Pingew

Pingew, Pingew id Tondo  
Into nan ay-ayenyo?  
Omey kamid Gawa  
En kami makibonga  
Bongan di alomani  
Nag-ed din pag-ikingmi  
Ngaran di pang-agas tako  
Et nan taban di aso?  
Adiyak tay menpangso.  
Et nan taban di beteg?  
Adiyak tay men-angted.  
Et nan taban di manok?  
Adiyak tay mennoknok.  
Et nan taban di kosa?  
Siya, siya payet sa.

## Wanga

Inmeyak nin-emes  
Ginawang id Wakes  
Inilak nan onga  
Menbegew nan tamongna.

## Maseyepka

Innodik ala maseyepka  
Si ama inmey ninsama  
Si ina inmey nintinda  
Innodik ala maseyepka.

## Dagem

No nan dagem et napidsa  
Batang tokangena  
No inman-ando nan mola  
Pilit map-asda.



Ama, Ama

Ama, Ama lomeplepka is sokodko  
Ta eyak makiatiko  
Bayyek id Saliwekwek  
Kasida ngangayekyek.

Pinnok san doway ay gokgok  
Adiyak makaanggok  
Inidyak ken alitaok  
Dangat men-anggoanggok.

## Ik-ikit

Ik-ikit, ik-ikit  
Lomeplepkas sokodko  
Ta ennak idokdokadok  
San bayyek id Oliwek.

## Kig-angan

Nakikig-angan  
Nakikig-angan  
Napapaotan  
Nababayakotan.

## Day-ogan

Salibanggawan  
Matektekgawan  
Madayday-ogan  
Mangengeean.

## Nan Doway Ngoso

Wada nan sin-agi

Dektan ya Litan kano nan ngadan da todi.

Ongong-ada dadat mangosowan

Kaseseg-angda ay men-anap is enda katagowan.

Wada nan agida,

Ngem adida pagan-ano daida

Kayatda ay mateyda

Ta itapida nan tawidda.

Nasikenda et nakiasawada

Sineg-angan nan Lomawig,

Et naganak ya binmaknangda

Daida et san mensaoyan san ib-ada

Olay san agida dadapay manaoy ken daida.

## Ibagak

Ibagak ken Mistala  
Innam nan bola  
Egaymo pay ibaga  
Dapay bakenmo kowa.

Olay mo inalak  
Adiyak kanaanen kowak  
Binolodko laeng  
Balbalayek et kedeng.



## Alapo

Alapo, Alapo  
Men-gepgepkas sokodko  
Omeyak makidokadok  
Bayyekdad Oliwek  
Isaaket otowek  
Dagoskay mayekyek.

## Pin-esa, Pindowa

Pin-esa, pindowa  
Pintolo, mayako  
Sodkiyang, kolyang  
Abangkod, kodokod  
Dabelway, kiyay.

## Odan

Nan odan ay napidsa  
Opeena nan lota  
Bonobon tomotoboda  
Ay kasida tataba.

## Nan Nowangko

Napidsa nan nowangko  
Alisto ay men-alado  
Kaliton gogoyodena  
Mannalon badangana.

## Kalding

Kalding di talaknen  
Ipastolmo ay inagew  
Agtan daka is kalni  
Ya gatas ay pataba.

## Si Bisbisting

Wada kanos Bisbisting

Ay kabbey id Toking

Kanan nan Bisbisting

"Maman-ed kayoy obbing

Ta eyak makibangking

Ta waday siping takos binting

Ta way ilako takos moting."

Dat omey id Tagoding

Kanana ken Biniking

"Engka omitdos gobing

Tay siya nan ek kinalaing

Ay inayan nan toping."

Dat en omitdos Biniking issan gobing

Dat omey si Bisbisting ay mentoping.

Wada pay ay naamin dat omey ken Biniking  
En men-ated is binting ya moting.  
Danat kanan, "Egkat adi Biniking  
Is lagbok si binting ya moting  
Tenak itagingting issan baeymid Toking  
Ta mo di dat nakging  
Inayan san obbing."

Dat omey issan baeydad Toking  
Dat wadada san obbing  
Ay asida gagasing.  
Kanan et Bisbisting  
"Isog-edyo nan og-oglatiing  
Ta omoto kayos nan lagbok ay moting."

## Tedek ya Poos Id Mainit

Wada nan toloy mimistolo  
Inmeyda id Mainit sin Piblilo;  
Menteleledek san labi  
Ay inmapaanda isdi.

Maid ew-ewesda  
Mid kaiw si anidowenda;  
Naskawda ay palalo  
Naktangdas pokopoko.

Mabolibolinget san labi  
Issan deey ay ili;  
Dapay adi kapatpat-a  
Bayawak san batawa.

Binmangon san mimistolo  
Issan pingsan di tan-o;  
Endat menlamlamlamew  
Danom ay menlenglengaew.

Kapanat-a pay dadlo  
Dinmaka san mimistolo;  
Toanet san seyepda  
Dat egayda komedpa.


**BOLBOLTIYA**

Mo matey si Alitaoy Padingi  
Maisakkey isnan pingi.




Tawing (Tagaong)

Mentatabon si Pedro  
Kananan adi kaila  
Ngem mentatang-ok nan olona.



Lansa isnan tabla

Gegen-am nan gitangko  
Ta lagtowak ya lagto.



Ao

1. Esay prinsisa  
adoado nan matana.
2. Dakedake ay payong  
Adi makalinong.

1. Pinya

2. Daya

Mo mensab-at da dotdot ken dotdot  
Mateykas imisna.



Kedem isnan kaseypan

Ingan Gawili  
Napoponitan is mani.



**Kowako**


1. Mo mentopinka  
Ilogim id tag-eyna.
  
2. Gayang, gayang  
Adika makabilang.

1. Mensolat

2. Odan

Adi mangan

Mo baken karne nan isdana.



Pangga

1. Sana sana ay omal-ali  
dapay adi kaila.

2. Natoled ay tet-ewa  
Tay gebbang et ketbana.

1. Dagem

2. Ipit di oling

Lamot is poona,  
Lamot is odona.



**Bakget**

Tangtangbam, taytaynam.




Gatin

Andoando nan goyodana  
Menlamew id daya.



Ollaw

Baken batang, baken mola  
Adoado nan tobona.




**Liblo**

1. Tabla nan osona  
Ginansilyo nan daemna.
2. Sokod Alapo, natikotiko.

1. Naeteng ay begas di kabatiti

2. Daan, kalsa

Eeesa nan tobona.



Bandila

Bato id Alingadangad  
Adika makatangad.



Kitong


1. Anak di Ari, babantayan di kalagalagadi.
2. Talak padi, mensoblisobli.
3. Kawitankoy bolikey  
Sikdoyan daet matey.

1. Pinya

2. Menlampaso


3. Bosel di kalobasa

Wada san esay am-ama  
Aawitena nan baeyna.




Pag-ong

Poliwesem nan ingak  
Sampay dengngen nan kanak.



Radyo

"Deey", kanana  
Ngem maid matana.



Dokyaw

1. Begas di atingkamas

Mo mawakas mag-as.

2. Bato id Mogaw

Waday kankanam

Danapay ibogbogaw.

1. Monglo (Mayoon)
2. Tebtebag

Baken Ari, baken padi  
Badona ay sabali.



Sampayan

1. Natdok nan baybay  
Natey si Kanaway.
2. Bato id Patok  
Mamonga et balitok.
3. Adi menketeb nan inana  
Menketeb nan anakna.

1. Silaw

2. Kidis


3. Mimis

Doway sin-agi  
Kasida lalas-i.




Siki

Akohan Kamolo  
Nanapnos pao.



Is polo

Dawang kalagip ay obi  
Nalaos id adaaddawi.



Mata

Maekdag nan panyona  
Adina getken ay mangala.



Poson di baat

1. Baeykoy andoando  
Nakowakowalto.
2. Dayad tag-eyna  
Danom nan tengana.

1. Kawayan


2. Begas di ngiyog

Kalobasad Tinmakdeg  
Nakalokalombateg.



Golo (Poweg)

Apoy id Nabanoy  
Maid makasip-oy.



Poslaid

1. Betegko id Manila  
Madngesna nan wiikna.
2. Adpan Ina, mensalsalaan di oongong-a.
3. Kawitan id Bila  
Lansita nan dotdotna.

1. Kido

2. Bagas ay mataptap-an isnan ligao


3. Atatado (Kadkadayán)

Mo menbabado babai,  
Mo toyjem lalaki.




Padi

Wada nan doway tobong  
Kasida oosong.



Eeng

Goyoden nan adigi nan tali.




Dagom ya sinoled

1. Kawitankod Kanipawan  
Winakgat ay mentamtam-aw.
2. Otikkod Pidlisan  
Menngiik no mangan.

1. Agew

2. Liwes (Baliwes)

Wada nan esay kalton  
Inaatangan di simpooy Sapon.



Agaki (Gaki)

1. Mo matey nan Ari  
Maid menkiwkiwi.
2. Mangan isnan bosogna  
Tomai isnan edegna.
3. Sinpenge ay sapiil  
Nangpos is iliiliil.

1. Labi

2. Katam

3. Sigid

Bato id Kayokyokan  
Tinopkayan di iyokan.



Losong

Mo mangan si ama

Itapinay mangkakan isnan pinggana.



Ice cream isnan apa

Mo men-ipadamag si Ikit Dimag  
Men-ag-aga dapay mentagtag.



Maisolsolat ay pen

Kayatmoy gayyem  
Adim kayat ay sagangen.



Palangka


1. Tobon di tawatawa  
Ananwada ay dowā.
2. Toktok Balbaleng  
Tinmotobowan di saeng.
3. Mo menlabos nadalos  
Mo menbado makilot.

1. Daya ya Batawa

2. Balongabing

3. Banga

Dowa ay logan ngem es-esa nan ninlogan



Ipogaw ay mensasapatos

Tolo ay inin-a,  
Esa nan awitda.



Dalikan ya banga

1. Atiatik wenno an-anaway pinggan  
Dikdiklasan di odan.
2. Wada nan esay prinsisa  
Kankanena nan awakna.
3. Menbegew ay mistisa  
Maid makaasawa.


1. Tobon di lakat

2. Kandila

3. Monmonnika


Posiposem nan posegko

Ta ipabalam nan kinanko.



Malita (Baol)

Pitakem nan pao  
Et bomala nan bato.



Botilas

1. Gipan alapo ay natikotiko.
2. Doway banan-eg ay gosi  
Nanapnos balbali.
3. An-ak di iMabika  
Masida aannanga.
4. Simpooy an-ak di iKandong  
Masida kakallogong.

1. Daan, kalsa

2. Soson Ina

3. Oong


4. Kokos nan gomot

Lima ay mola  
Es-esa nan poona.



Gomot ya ledeng

Mo egnan matey,  
Mo beksen matago.



Bawet (Dayet)

Esa nan sinonggepana  
Tolo nan binmalaana.



Bado (kamisita)


1. Nin-emes si Kapitan  
Bosogna egay kaowasan.
  
2. Aawitena sik-a  
Aawitem es siya.
  
3. Mo lomakoka nangina,  
Mo kasinmo ilako nalaka.

1. Banga

2. Sapatos


3. Alak ay binotilya

Wada san esay Negrita  
Es-esa san ingana.



Kawali

Kalobasa id Masla  
Maid mailas pamotingana.



Itlog

1. Saping alapoy Sadot  
Inkolikol insiglot.
  
2. Mo wakgat epat nan sikina  
Mo kag-aw dow a nan sikina  
Mo labi tolo nan sikina.
  
3. Danom id Pey-asan  
Adi polos katapokan.

1. Wanes

2. Onga ay malakay


3. Danom isnan begas di ngiyog

Bato id Inablan  
Adi kaosdongan.



Bagang

Wada nan esay kaminiro  
Omanak et adoado.




Atingkawa

1. Esay toktok, esay book.
2. Yokyokkayok inomdan id Bontoc.
3. Ikaob nan natey nan ib-ana.
4. Inkotikot, inkom-ot.

1. Pagey
2. Tilipono.
3. Naango ay tobo ay matektekdag
4. Pinaldis ay tabako

Sinkapisngit ay galot  
Sinkatasa ay danom  
Menbalin ay sabong.




Silaw

Adoado ay baka  
Es-esang nan talida.



Apang (Benge)

Gepakem nan baol  
Ta bomalas gobirnadol.



Mani


1. Kaiw ay nasangasang  
Mensangasang nan begasna.
2. Menwatwat si Sakiwat  
Menkimit nan mangdawat.
3. Silaw, silaw id Amilika  
Silawana am-in nan batawa.

1. Sili

2. Saplit


3. Kimat (Bagilat)

Balinem payas,  
Balinem payas.



Sisim

Liyang ay men-aanga  
Adida kaila.



Inga

166

1. Mo bomala iyam-ammana  
Mo songgep igolpina.
2. Wada nan ikona no kabalbala  
Amasena mo maam-ama.
3. Sakdowan id Gedangan  
Adi kaom-omowan.
4. Mo adim seen, adi mangan.


1. Moteg

2. Bayyek

3. Soso

4. Lakem

Wada nan asok ay bolbolan  
Tomotokdos nan sibitan.



Pinya

Mo idogos abong,  
Mo goyoden tobong.



Payong

1. Esang nan sikina  
Esang nan awakna  
Adoado nan bowana.
  
2. Wanan sin-agi ay dowā  
Nasadsadot nan esa  
Mo pay manganda  
Taway sida  
Siya nan kakwa.

1. Papaya

2. Kanigid ay ledeng

Wada nan esay liyang  
Nanapnos tolang.



Topek